



Andoaingo Udala

HEZKUNTZA ETA KULTURA

Lankidetzaz Hitzarmena Convenio de Colaboración

Kodea:
2026AAH20033

Andoaingo Udalaren eta ONDARRETA HERRI ESKOLAren arteko
Lankidetzaz Hitzarmena.

Andoainen, sinaduraren datan.

Bildurik:

B atetik, **Marta Lasa Goñi**, Hezkuntza eta Kultura lansaileko Zinegotzi Ahalduz gisa, Andoaingo Udalaren izenean eta ordezkari gisa, Toki Jaurpideko Oinarriak arautzen dituen apirilaren 2ko 7/85 Legean xedatutakoaren arabera.

Eta bestetik, Maite Petrikorena Opaca, NA ***8504** duena, ONDARRETA HERRI ESKOLAko zuzendari gisa. (Zentro kodea: 012779).

Bertan da baita ere Udaleko Idazkaria den **Unai Rekondo Pérez jn.** egintzaren fede emateko.

Bi aldeek elkarri behartzeko nahikoa gaitasun juridiko aitortzen diote eta jarraian aipatzen denaren arabera ekiten dute:

Administrazioko aurrekariak

1. Ondarreta Ikastetxea, 17. Poligonoko eskolaurrea eta Ondarreta ikastetxeek osatzen dute, eta ikastetxe publiko diren heinean, hauen mantenimendua eta zainketa lanak Udalarari dagozkie.
2. Mantenimendu lanen atzerapenek askotan ikasleengan ondorio ezezkorrak izan ditzakete.
3. Euskadiko Toki Erakundeei buruzko apirilaren 7ko 2/2016 Legearen 17.1.23) artikularen arabera, udalerrien berezko eskumena da irakaskuntzaren programazioan parte hartzea eta derrigorrezko eskolatzea betetzen dela zaintzea, bai eta haur-hezkuntzako, lehen hezkuntzako eta hezkuntza bereziko ikastetxe publikoetako eraikinak iraunaraztea, mantentzea eta zaintzea ere. Halaber, aurreko eremuai dagokienez, hezkuntza-administrazioarekin lankidetzan aritzea ikastetxe publiko berriak eraikitze beharrezkoak diren orubeak lortzeko. Horren antzera adierazten da Toki Araubidearen Oinarriak Arautzen dituen apirilaren 2ko 7/1985 Legearen 25.2.n) artikuluan.

Horregatik, bi aldeak bat datoz funtzionamendurako hitzarmen hau egiterakoan, eta ondokoak dira onartu dituzten.

Hitzbaketak

1. Udalak, 2026ko udal aurrekontuan, 375 zenbakia duen diru kontuan, Eskola Kontseiluaren Ekonomi Batzordearentzat diru-kopuru bat esleitu du, Kontseiluak berak administratuko duen mantenimendu gastuetarako. Kontzeptu honetan sartuko dira: besteak beste, kristalen garbiketa eta konponketa, ate zein zerrailen konponketa, patioko jokoak, teilatu-hodien konponketa ...

Kontzeptu honetatik kanpo geratuko dira Udalak zuzenean bere gain hartuta dituen mantenimendu gastu hauek:

- Eskolazaina.
- Ikastetxeetako barruko garbitasuna eta 17. poligonoko zentroaren jolaslekukoa astelehenean eta asteazken goizetan.



Andoingo Udala

HEZKUNTZA ETA KULTURA

Lankidetzeta Hitzarmena Convenio de Colaboración

Kodea:
2026AAH20033

- Eraikuntzen berokuntza, eta Ondarreta ikastetxearen igogailuen mantenimendu kontratua.
- Argindarra, berokuntzarako erregaiak eta ura.

2026rako diru kontsignazioa: Konponketa, mantenimendu, kristalen garbitasun orokorrak eta telefonorako..... 28.604,00 €

2. Edozein lan egiteko, aurrekontu batzuk ikusita eta bere balioa 1.200,00 €-koa baino txikiagoa bada, Batzorde Ekonomikoak egokiena aukeratuko du eta lana egingo da.
3. Lan baten kostua aipatutako kantitatea baino handiagoa bada, Batzordeak, egingo den lanaren informea eta honen 3 aurrekontu desberdin aurkeztuko dizkio Udalari, Hezkuntza eta Kultura arloko Zinegotzi Ahalduari, hain zuzen ere, honek aztertu eta horietako bat onar dezan.
4. Dirulaguntza hau maiatzaren 27ko 1500/2026 alkatetza dekretu bidez onartu den Dirulaguntzen 2026-2028ko Plan Estrategikoan sartuta dago.
5. Ekonomia Batzordeak, laguntzaren mantenimendurako aurrerakin gisa, %60a jasoko du Ebazpenaren bitartez hitzarmena onartzerakoan.

Ekainaren bukaeran, behin Ekonomia Batzordeak gastuen balantzea bere zurigarriekin aurkeztu, hurrengo %20a ingresatuko da, geratzen den %20 urte bukaeran likidatuko delarik, balantze osoa, 2027ko urtarrilaren 15rako aurkeztu ondoren.

Hitzarmen honek urte bateko indarraldia izango du, berau sinatzen den egunetik kontatzen hasita. Gainera, aztertuko da jasotako diru-laguntza igo daitekeen hurrengo ekitaldian. Dena den, igoera ezin izango da KPI-ren igoera baino handiagoa izan.

6. Dirulaguntzari egin beharreko jarraipena eta justifikazioa

Dirulaguntzaren zuriketa azroaren 17ko 38/2003 Dirulaguntzei Buruzko Lege Orokorreko 29. artikulutik 33. artikulura bitartean xedatutakoaren arabera izango da.

Andoingo Udalak, Kultura eta Hezkuntza saileko teknikariaren bitartez, jarraipena egingo du eta diru-laguntzaren justifikazioa egokia dela egiaztatuko du, eta, era berean, jarduera gauzatu dela eta diru-laguntza eman edo izateko zehazturiko helburua bete dela.

Diru-laguntzaren entitate onuradunak, 2027ko urtarrilaren 15erako, Udalean aurkeztu beharko du diru-laguntzaren xede duen proiektuaren garapenaren memoria bat. Bertan 2026ko ekimena burutzeko aurreratu diren gastuei buruzko azalpenan emango dira.

Gastuak egiaztatuko dira ordain-agirien edo merkataritzako trafiko juridikoan balio frogagarri baliokidea edo administrazio eraginkortasuna duten bestelako dokumentuen bidez.

Jarduerak, diru-laguntzaz gain, finantzatu direnean, norberak dituen diru-sarrerekin edo bestelako diru-laguntzekin edo baliabideekin, justifikazioan zenbatekoa egiaztatu beharko da, nondik datorren eta zein den diru-sarrera horien aplikazioa diruz lagunduriko jardueretan.

Diru-laguntza 60.000,00 €-tik beherakoa denez, zuriketarako kontu laburtua erabil daiteke dirulaguntza zuritzeko. Jarduera osoa eta dirulaguntzako gastu osoa zuritu beharko da..

7. Urtero "mantenimendu eta konponketa gastuak" atalean gastaturikoak ez du gaitutuko Udalak



Andoaingo Udala

HEZKUNTZA ETA KULTURA

Lankidetzeta Hitzarmena Convenio de Colaboración

Kodea:
2026AAH20033

aurrekontuan jasorikoa, baldin eta ez bada ezinbestez egin beharreko premiazko lanengatik, beti ere aurrez Udalarekin adostu eta horiek egitea erabaki denean.

8. Ikastetxeak eraikin horien erabilera egingo du, beti ere aipatu erabilera hezkuntza izaerakoa baldin bada.

Biztanleria eskolarra jaitsiko balitz eta kontuan izanik ikasgelarik hutsik gera litekeela, horien gainean eman beharreko erabilera Udalaren eskumenean izango da.

9. Bi aldeak behartuta daude hitzarmen hau betetzera, dagozkien hitzbaketetan, eta hemen aurreikusten ez diren kasuetarako Toki Araubidearen Oinarriak arautzen dituen Legea hartuko da kontuan berariaz.

10. Bateragarritasuna beste diru-laguntza publikoekin:

Hitzarmen honek arautzen duen diru-laguntza bateragarria izango da helburu bera duten bestelako diru-laguntza, laguntza, diru-sarrera edo baliabideekin, bestelako administrazioetatik edo erakunde publikoetatik edo pribatuetatik datozenak.

Dena den, diru-laguntza hau bateraezina da helburu berarentzat Andoaingo Udaletik eta/edo bertako organismo autonomoetatik datozen bestelako diru-laguntzak edo laguntzat hartzearekin. Era horretan, entitate onuradunak uko egiten dio edozein laguntza edo diru-laguntza motari egokituko ahalko litzaiokeena Udalaren departamentuek edo organismo autonomoek diru-laguntzetarako eginiko deialdien arabera.

Hala guztiz ere, emandako laguntzen zenbatekoa, bakarrean edo batera, inola ere ezingo da izan diru-laguntzaren xedearen balioa baino handiagoa.

11. Hitzarmena ez betetzea eta diru-laguntza itzultzea.

Diru-laguntzaren entitate onuradunak bete beharreko edozein eginkizun ez betetzeak ekarriko du diru-laguntza berrikustea edo indarririk gabe uztea, eta hala balegokio, emaniko diru-kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikiriko arazoak edo behar bezala justifikaturikoak bestelakoak direla-eta, bi aldeek adostu ahal izango dute hitzarmena bertan behera uztea edo etetea.

12. Hitzarmen hau indarrean dagoen bitartean, udalak behar izanez gero, eta ikastetxeak libre edukiz gero, ikastolak behar diren lokalak utziko dizkio udalari.

13. Hitzarmen honetatik sor daitezkeen arazok izaera juridiko eta administratiboa izango dute eta eskudun diren auzitegiek konpondu beharko dituzte. Hala ere, hori egin aurretik, hitzarmen honen jarraipena egiteko batzorde paritarioa bilduko da. Batzorde hori hitzarmena sinatzen denean izendatzen diren pertsonak osatuko dute.

Hitzarmen honetan jarri gabe geratu diren alderdi guztietan administrazio alorrean indarrean dagoen legeria ezarriko da eta, batik bat, Andoaingo udalean diru-laguntzak ematea arautzeko udal ordenantza, azaroaren 17ko Diru-laguntzei buruzko 38/2003 Lege Orokorrean ezarrikoa uztailearen 21eko 887/2006 Errege Dekretuan, non bertan onartzen den azaroaren 26ko Diru-laguntzei buruzko 38/2003 Lege Orokorrean Arautegia, urriaren 1eko 39/2015 Legean, Herri Administrazioen Administrazio Prozedura Erkideari buruzkoa eta urriaren 1eko 40/2015 Legean, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.



Andoingo Udala

HEZKUNTZA ETA KULTURA

Lankidetzeta Hitzarmena Convenio de Colaboración

Kodea:
2026AAH20033

14. Eskumeneko Jurisdikzioa.

Aldeen artean sor daitezkeen auziak ebazteko eskumena izango dute Administrazioarekiko auzien Donostiako Epaitegiek, eta, era horretan bi aldeek onartzen dute epaitegi horien lurralde-eskumena.

15. Patioaren erabilera publikoa.

a) Andoingo Udalak adierazi du eskolaz kanpoko ordutegian Ondarreta kaleko eraikineko patioaren erabilera publikoa ahalbidetzeko interesa duela, herritarrek espazio horiek aisialdirako eta kirola egiteko erabil ditzaten.

b) Aplikatu beharreko araudia 76/2008 DEKRETUA izango da, maiatzaren 6koa, Euskal Autonomia Erkidegoko unibertsitateaz kanpoko irakaskuntza-eraikin eta -instalazio publikoak zentro horien urteko programazioetan sartzen ez diren jardueretarako nola erabili behar diren arautzen duena.

c) ONDARRETA HERRI ESKOLAKO patioaren erabilera publikoa honela egingo da:

1. Orduategiak:
2. Jendaurreko ordutegia honako hau izango da:
 - Asteleheneretik ostiralera: 18:00etatik 21:00etara
 - Larunbata, igande eta jai-egunetan: 9:00etatik 21:00etara
3. Udaltzaingoa arduratuko da instalazioak itxteaz erabilera publikoko ordutegia amaitu ondoren.
4. Udaleko Zerbitzu Saila arduratuko da patioa garbitzeaz astelehen eta ostiral goizetan.

d). Andoingo Udalak bere gain hartzen du erabilera publikoko ordutegien barruan patioan sor daitezkeen kalte eta kalteen erantzukizuna.

e). ONDARRETA HERRI ESKOLAK hitz ematen du patioa baldintza onetan izango duela erabilera publikorako, eta edozein gorabehera jakinaraziko diola Udalari, zerbitzu hori zati batean edo osorik eman ezin bada.

16. Hitzarmen hau 2026 urtean bakarrik egongo da indarrean.

Eta ados daudela adierazteko, bertaratutakoek lankidetzeta hitzarmen hau sinatzen dute, goian adierazitako datan eta tokian.

Udalaren izenean
Por el Ayuntamiento

Marta Lasa Goñi

ONDARRETA HERRI ESKOLAREN izenean
En nombre de CENTRO PÚBLICO ONDARRETA HERRI ESKOLA

Maite Petrikorena Opaca

Idazkaria
El Secretario

Unai Rekondo Pérez

